



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Družbicki, Kaspar

Ingolstadii, 1732

VD18 90066332

Exerc. 5. Quòd P. Parens sit omnium Creaturarum eminentissima.

urn:nbn:de:hbz:466:1-45396

ipsam æternitatem. Ut non solum nunquam excidamus à Gratiâ, & à charitate Dei, verum etiam in dies, horas, & momenta singula, amplius, ampliusque in eâ crescamus, ac ditescamus, per gravissimam intercessionem, atque adeo potestatem, hujus Pretiosissimæ Parentis nostræ, fundatricisque in statu ac possessione amicitia Divinæ.

P R A X I S.

Pretiosissima Mater Dei mei, Domina mea, Virgo Maria; Tu, sicut ipsa es verissima Dei Mater, sic etiam verissimum ac Naturale jus habes ad Amorem, ad Gratiam, Amicitiamque Dei. Tu Claves portas à Corde Divino. Tu præsides thesauris Amicitiae, & Gratiæ Dei. Tu quem vis Amicum Dei constitutis, ejusque Gratiâ adimples, & ditas, & in Amore Divino fundas, confirmasque. O Mater, & Patrona mea: utere hoc jure tecum, & super me, & super omnes tuos in me, meosque in te. Introduc nos ad Amorem, Amicitiamque Filii tui, Dei nostri: Funda & confirma: stabili, & radica nos in gratiâ, & familiaritate ipsius ut ab eâ nunquam excidamus, imò in eâ semper amplius, ampliusque proficiamus, perficiamur, confirmemur, solidemurque, ad Mortem, & in Morte, & in omnem æternitatem.

EXERCITIUM V.

Quòd P. Parens sit omnium Creaturarum eminentissima.

1. Statue te coram Pretiosissimâ Dei Parente Virgine Maria.

2. Expende: quòd Maria sit Mater Dei Altissimi,

tissimi, ac per hoc super omnes, simul sumptas, etiam possibles, puras Creaturas, dignissima, exaltatissima, eminentissima.

3. Maria enim quoniam Mater Dei est: facta per hoc est ille mons, ab Isaiâ decantatus; *Erit in Mich. 4. 1.* novissimis diebus, præparatus Mons Domus Domini in vertice Montium. Mons enim Beatissima Virgo & Mater Maria fuit, quæ omnem electæ creaturæ altitudinem electionis suæ dignitate transcendit. Mons, & quidem præ omnibus sublimis fuit Maria: quæ ut ad Conceptionem æterni Verbi pertingeret, meritorum verticem suprà omnes etiam Angelorum Chorus, usque ad solium Deitatis erexit. Mons fuit Maria, & quidem supra verticem Montium, quia præcelentissimæ dignitatis suæ merito, ejus altitudo suprà omnes Sanctos refulsit. Mons fuit Maria, omnibus creatis montibus, seu Dignitatibus altior: quia ubi cæteræ Dignitates summitem suam tenuerunt: ibi Mariæ primâ, & ima fundamenta per singularitatem Gratiæ facta esse noscuntur: dicente alio Propheta; *Fundamenta ejus in montibus Sanctis.* Denique Mons fuit omnibus montibus, id est, omnium Creaturarum generibus altior, Maria: quia maternitatis Divinæ prærogativâ, omnibus omnia creature accessum ad se, & ad æqualitatem suam penitus spem omnem præclusit: suamque super illas potestatem extulit, ac firmavit.

4. Igitur propter hanc Altitudinem, debetur Mariæ, ab omni Creaturâ, & Generatione, omnis supremus, qui in Creaturam puram cadat honor, laus omnis, omnis etiam appretiatio, reverentia, dile-

dilectio, & subjectio: tanquam illi, quæ est Mater conditoris, & Domini omnium rerum: est que proinde etiam ipsa Heres, Domina, & Regina omnium istorum Dei Filii sui bonorum. Pertinent siquidem omnia bona filiorum ad Parentes eorum, nec quidquam acquirunt sibi Filii, quod simul juri parentum eo ipso non accedit: præsertim; si quid à Naturâ filii obtineant: quando Mariæ Virginis Filius, Dominus JESUS Christus, Deus Homo, ex ipsâ suâ Naturâ, & ab Unione Hypostaticâ, absolutum rerum omnium Regnum, Dominiumque sortitus est. Inde enim hoc ipsum Dominium, atque Regnum, Matrem ejus Mariæ accessit. Cur enim Parentes & Filii una censemur Caro, & non tam pars ejusdem, quam prorsus eadem substantia; & cur bona dignitatesque Naturales parentum, sunt etiam Filiorum; si non bona, dignitates, Dominia, & Regna filiorum, cadunt etiam, naturaliter sub fortem parentum?

5. Sicut ergo Dei Filius, idemque Mariæ Virginis Matris proles, naturâ, suâ, & præfet, & enim omnibus Creaturis, quantumlibet sublimibus, atque etiam supernaturalibus; ita quoque eodem Filii sui jure, Maria est omnium Creaturarum, naturalium, supernaturaliumque, & superior, & præminentior, & præses, & Domina. Idque ab ipso primo Conceptionis sue instanti, quo ipsa in hunc mundum concepta est. Etsi enim nonnisi propter Divinam Maternitatem, hæc tam sublimis Altitudinis, Dominiique in res omnes prærogativa illi advenit: quia tamen Justitia Originalis illi in Conceptione statim collata fuit, & fuit per respectum, & propter honorem

norem Divinæ Maternitatis, ad quam jam tunc
(imò ab Æterno) Electa, præparata, prædestina-
taque fuit, juxta illud ipsiusmet de se Virginis
verba; *Ab æterno ordinata sum, (quæ ex Hebr. Prov. 8. 23.*
sic sonat;) ab æterno inaugurata sum princeps:
Ideo jam tunc etiam statim Domina fuit omnium:
& eminuit super omnia opera Dei, superque
universa bona Filii sui.

6. Ex hoc fonte promanavit, quod Maria,
post Christum, fuerit secundò primus finis, sco-
pusque Deo universæ Creationis. Quod una
solaque Maria, dignior, & pretiosior fuerit co-
muni Deo omnibus universim Creaturis. Quod
ad Unius, soliusque Mariæ conditionem, atque
in esse suo consummationem, plus bonorum,
donorumque, & (si fas dicere) Sapientiæ, boni-
tatis, potentiæ, Sanctitatis, Perfectionisque suæ
sumptuum Deus profudit, quam in omnes re-
siduas Creaturas. Inde quoque est, quod uni,
solique Mariæ, plus creaturæ honoris, subjectio-
nis, servitii, & dilectionis debeat; quam vel ipsæ
sibi, vel aliis aliæ mutuo: debentque juste, ac
meritò velle, ac esse paratae, (si ita res exigat,) ob-
unam, solamque Mariam Dei Matrem conser-
vandam, emori: aut interire: siquidem bene
redimeretur salus solius Mariæ, morte totius
Creaturarum populi. Quoniam majus esset
damnum toti Mundi, ex unius Mariæ jacturâ,
quam ex totius Mundi interitu.

7. Hinc agnosce: majori jure, obligatione,
condignitate, debere (Te v. g.) honorare, dili-
gere, exaltare, zelare, unam, solamque hanc Dei
Matrem, majoresque vires, conatus, sumptu-
que, in ejus cultum, & venerationem impendere,
quam

quàm in totius, cujuscunque, etiam simul sumptæ, puræ creaturæ,

8. Hâc mensurâ, metire tuum erga Parentem hanc Pretiosissimam affectum dilectionis, venerationis, honorificationis, pietatis, zelationis. Et vide, quàm procul absis ab hujus mensuræ exæquatione! vide, quàm profuso, prodigoque in honorem, & amorem hujus Dei Matris esse debeas animo: vide, quàm magnificus ejus in corde tuo, & per tuam Curam, & in alienis cordibus, operibusque, debeat esse, hujus Virginis Amor, ac veneratio, atque exaltatio?

9. Emineat apud te in amore: in pietate, in honore, & in veneratione: ita, sicut revera eminet ipsa in Dignitate, in excellentiâ, in pretiositate, in Potestate. Eminet illa potestate, atque Dominio super omnes ac singulos Angelos: fatagas & tu eminere in affectu dilectionis, & venerationis erga illam, super omnes, singulosque Angelos. Eminet illa in potestate atque Dominio super omnes, singulosque homines: fatagas & tu eminere in pietate, & honore, amorisque teneritudine, & vehementiâ erga illam, super omnes, & singulos homines. Eminet illa, potestate, & Dominio super omnes, singulasque Creaturas rationis expertes: fatagas & tu, non solum eminere, sed etiam vicem, officiumque, in cultu, amore, & subjectione ad Mariam, implere, ac superimplere, omnium, singularumque Creaturarum irrationalium. Eminet Maria potestate, & Dominio, terroreque sui, super omnes dæmones, de quibus omnibus, cum, in Triumphantore Filio triumphavit, omnium capita in primo suæ Immaculatissimæ Conceptionis momen-

to, victore Calceo contrivit, & conquassavit:
satagas & tu, officio, obsequioque, quo, debent
quidem, at indignissimi sunt, amoris & appretia-
tionis defungi dæmones, illorum vice, erga vi-
ctoriosissimam, Triumphantricissimamque Virgi-
nem excellere: in tantum eam super omnia dra-
conum infernalium Capita superponendo, ac
superexaltando, in quantum prædigna est, tam
Dei Mater extolli, exaltarique, quād digni depri-
mi, ac dejici.

P R A X I S.

Pretiosissima Dei Mater Mariæ: in conspectu San-
ctissimæ Trinitatis, nec non Filii tui, JESU Christi,
Redemptoris nostri, confiteor, tantam esse tuam, super
omnes creatureas, eminentiam, potentiam, atque di-
guitatem, ut uni tantum Deo secunda, soloque illo
minoris: utque ad tui unius, soliusque, in esse, &
bonore conservationem, ac propugnationem, merito
omnis creaturæ, suum esse, suam integritatem, suum
bonorem, impendere possit, atque debeat. Tu enim
una sola pretiosior, ac dignior, eminentiorque es, præ
omnibus creaturis coram Deo. In tuo, Maria, no-
mine, fletitur omne genu Angelorum: omne genu
bominum: omne genu creaturarum irrationalium,
omne genu dæmonum. Ea propter & ego, vilissima
quamvis portio creaturæ Filii tui, tuo amori, appre-
tationi, honori, integritati, exaltationi, totam sub-
stantiam meam, totas vires, totos conatus, omnem
dignitatem, omnem sufficientiam meam, etiam omnis
reliquæ creaturæ, totiusque universæ ad me imperso-
natione auditam, communicatam, associatamque con-
secro: atque illi propagando, propugnando, tam in
maximo, quād in minimo adaugendo, dedico, devo-

deo-

320 Exerc. VI. Quòd per P. Parentem,

veoque; solus, unusque: sed omnium creaturarum impersonatione auctus, omnium earum vicem, officium, debitum, conatum, desiderium, voluntatisque affectum explendo, Etiam evincendo, evincereque, ac supergredi, adversum Te, intendendo: propter amorem tui, propter amorem Filii tui, Dei mei, Iesu Christi.

EXERCITIUM VI.

Quòd per P. Parentem, maximè Deus magnificetur.

1. STatue te coram pretiosissimâ Dei Parente & Virgine Maria.

2. Expende: quòd in Maria, & ex Maria elucescat maximè Divina Magnitudo, Perfectio, Plenitudo: quodque ab eâ, plus quam ab omnibus reliquis creaturis simul sumptis magnificetur.

3. Qua de causa P. Parens, cùm esset præ omnibus humillima; etiam præ omnibus hunc titulum usurpavit: & hanc sibi occupationem potissimum semper adscivit: ut sepe quidem semper, quam intimissime exinaniret, ac infra omnes creature, imò & propè infra ipsum nihil humiliaret: Deum autem suum, quam viscerosissime magnificaret: hoc est, magnum non solum ostenderet, verum etiam conatu suo redderet, plus, quam omnes simul collectæ creature, etiam possibles hoc faciunt, aut facere possunt.

4. Quia enim, ad hoc unicum omnes à Deo creature conditæ sunt, ut per eas magnalia Dei, hoc est, magnitudo ejus, & perfectiones ejus, cognoscantur.